



Brandal Båtlag

Kvitnesvegen 110
6062 BRANDAL

Saksnr	Løpenr.	Klassering	Avd / sakshandsamar	Dato
2014/416	3529/2016	140	ORDF/ ANR	11.04.2016

SVAR PÅ BREV FRÅ BRANDAL BÅTLAG AV 30.03.2016. ANG ENDRING AV SJØOMRÅDE FRÅ NFFFA TIL NFFF I BRANDAL.

Administrasjonen har i denne saka tidlegare sendt svaret som Bernt Brandal fekk i kommunestyret den 17.03.2016. til Brandal Båtlag. Ordførar meinnar at vedtaket i PS 49/15 er oppfylt slik fleirtalet i kommunestyret meinte det skulle gjerast. Vedtaket var :

«Hareid kommunestyre vedtek å rullere arealdelen av kommuneplanen i det aktuelle området, med tanke på å endre fra NFFFA-område til NFFF-område. Administrasjonen legg fram sak om rulling av NFFFA-arealalet i løpet av 1 kvartal 2016.»

Dette har administrasjonen i høg grad innfridd ved å legge fram sak om rulling av kommuneplanen sin arealdel i formannskapet 07.mars 2016.

Når vedtaket var gjort i PS 49/15 var det ikkje løyvd midlar til å rullere denne delen eller heile arealdelen av kommuneplanen. I kommunestyret den 17.12.2015 i PS 123/15 vart det løyvd ekstramidlar av kommunestyret til 2016/17 budsjettet for rullere heile kommuneplanen inklusiv NFFFA området i Brandal.

NFFFA-området er regulert gjennom kommuneplanen, for kommuneplanen er det Plan- og bygningslova som er gjeldande lovverk (i tillegg til eventuelle føreskrifter, rettleiarar, statlege retningsliner med meir). For kommuneplanen er det i kapittel 11 i PBL ein kan finne aktuelle paragrafar, og når det gjeld endring og/eller oppheving av kommuneplanens areal del står der:

«For endring og oppheving av planen gjelder samme bestemmelser som for utarbeiding av ny plan. Kommunestyret kan delegere myndighet til å vedta mindre endringer i planen i samsvar med kommunelovens regler. Før det treffes slikt vedtak, skal saken forelegges berørte myndigheter. Jf. for øvrig § 1-9.»

Det å fjerne eit relativt stort område eller å oppheve eit stort område er ikkje rekna som ei mindre endring. Mindre endringar er av regjeringa definert som til dømes arrondering av formålsgrenser, justering av linjeferingar for infrastrukturanelegg eller liknande. Altså må ein førehalde seg til dei same føresegnene i PBL som for utarbeiding av ny plan. (§ 11-12, § 11-13 og § 11-14). Desse føresegnene er nøyaktig dei same som for rullinga av kommuneplanen. Dei tek like lang tid, og dei gir dei same prosessane. Det vil difor vere unødvendig å køyre to like prosessar parallelt, berre for å ha ei eiga sak på det omtala NFFFA-området, i sær når dette området allereie inngår i den pågående rullinga av arealdelen i kommuneplanen. Dersom kommunestyret i PS 123/15 ikkje hadde løyvd midlar til rulling av arealdelen i kommuneplanen ville det vere naturleg med eit eige vedtak i 1 kvartal 2016 for endring av NFFFA-området til NFFF, no er det inkludert i den ordinære rullinga. Eg



er elles trygg på at administrasjonen har teke signala frå PS 49/15 og legg inn det aktuelle området som NFFF-område i rulleringa som kjem.

Ordførar vil og difor sikre at eg ikkje har mistyda kommunestyret feil, og legg difor dette svaret fram for kommunestyret som referatsak i neste møte slik at kommunestyret sjølv kan vurdere om det skal handsamast på nytt som eiga sak.

Når det gjeld spørsmål i møte i kommunestyret er det som ein skriv høve for spørsmålsstilla å stille eitt tilleggsspørsmål. Ordførar si presisering var at det ikkje var høve til tilsvar/debatt, men det kunne nok vere betre kommunisert at det var høve til tilleggsspørsmål.

Med helsing

Anders Riise
Ordførar

